

TEZAUUR LITURGIC
30 APRILIE
RUGĂCIUNEA
SF. IERARH IGNATIE BRIANCIANINOV,
EPISCOPUL STAVROPOLULUI

Молитва святителю Игнатию Брянчанинову,
епископу Кавказскому

О вели́кий и пречу́дный уго́дник Христо́в, свя́тителю о́тче Игна́тие! Ми́лостиво приими моли́твы на́ша, с лю́бовию и благода́рением тебе́ прино́симыя! Услы́ши на́с, си́рых и безпо́мощных, к тебе́ с ве́рою и лю́бовию припа́дающих и твоего́ те́плага предста́тельства о на́с пре́д Престо́лом Го́спода Сла́вы прося́щих. Ве́мы, я́ко мно́го мо́жет моли́тва пра́ведника, Вла́дыку уми́лостивля́ющая. Ты́ от ле́т младе́нческих Го́спода пла́менно возлю́бил еси́ и Ему́ еди́ному служи́ти восхоте́в, вся́ кра́сная ми́ра сего́ ни во что́же вмени́л еси́. Ты́, отве́ргся себе́ и взе́м крест тво́й, Христу́ последовал еси́. Ты́ пу́ть у́зкий и приско́рбный жити́я ино́ческаго избра́л еси́ и на се́м пу́ти добродéтели вели́кия стяжа́л еси́. Ты́ писа́ньми тво́ими сердца́ челове́ков глубоча́йшаго благоговéния и покóрности пре́д Всемо́гущим Творцо́м исполня́л еси́, грéшников же па́дших му́дрыми словесы́ тво́ими в созна́нии своего́ ничто́жества и свое́я

грехо́вности, в покая́нии и смире́нии прибега́ти к Бо́гу наставля́я еси́, ободря́я их упова́нием на Его́ милосе́рдие. Ты́ николи́же притека́вших к Тебе́ отверга́л еси́, но все́м оте́ц чадолю́бивый и па́стырь до́брый бы́л еси́. И ны́не не оста́ви на́с, усер́дно тебе́ моля́щихся и твоея́ по́мощи и предста́тельства прося́щих. Испроси́ на́м у Человеколю́биваго Го́спода на́шего здра́вие душе́вное и телесное, утверди́ ве́ру на́шу, укрепи́ си́лы на́ша, изнемога́ющия во искуше́ниях и скор́бех ве́ка сего́, согрей́ огне́м моли́твы охладéвшая сердца́ на́ша, помози́ на́м, покая́нием очисти́вшимся, христиа́нскую кончи́ну живота́ сего́ получи́ти и в Черто́г Спа́сов преукраше́нный вни́ти со все́ми избра́нными и та́мо купно́ с тобо́ю покланя́тися Отцу́ и Сы́ну и Свято́му Ду́ху во ве́ки веко́в. Аминь.

Текст акафиста утвержден на заседании Священного Синода 23-24 сентября 2021 года (журнал № 67).

